

Mon 12<sup>th</sup> Dec 1898

大清光緒廿四年

本館新開除禮拜外每日出報一  
紙外埠均可函致本館取  
閱如外埠閱報加寄費不  
也除日本英法德俄各國  
惜工本從英法德俄各國  
紙各機器以待與英法德  
刊印活字及各式花邊等  
體活字及各式花邊等延  
西文排印工藝甚精所有  
印字大小機器均用精工刊

第五千一百七十七號



# 報助

(號七第牌門口虱巴舊在設開館本)

戊戌十月廿九日

印工級倫並延有文士書  
寫各體文字現由上海購  
刊佈所有各項其甚相宜  
世館人心者附登否亦須  
礙於人而後始錄其概不  
成文以及支離者概不錄  
自錄更須寫真君來札向  
將原稿收回也本館謹白

英一千八百九十八年十二月二十二號(一拜號) 每張售錢五文 每月售銀一元

已亥年月份牌出售 ○啟者光緒二十五年已亥之月份牌現經印就定於即日出沽至本年所  
印之月份牌係按照時憲書并參以諸家之歷細心較對無訛而且字畫玲瓏紙張潔潤繪事精細甚屬  
可觀 諸君賜顧祈早 玉臨選沽為盼 本館謹啟

勸辦粵漢鐵路招商分局啟 ○啟者本分局現蒙 粵漢鐵路總辦張 委在南洋創設分局開  
辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各  
埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有  
一切詳細章程經已另刊清摺以便 諸君取閱此乃難得之遺逢無窮之美利有志者幸無辜此機緣也  
特此佈告 大清光緒廿四年九月二十九日 大英一千八百九十八年十一月十二號  
勸辦粵漢鐵路分局委員吳丕球謹啟

### 論俄人貪得無厭

愚嘗論今日天下之大勢實如戰國戰國之世秦為大齊次之楚燕韓趙魏又次之當今之世俄最強大  
之英次之德法日奧西比諸國又次之戰國之秦據洛函之固擁雍州之地席捲天下包舉宇內囊括四海  
併吞八荒以一國之地利足以拒六國之來兵以一國之勁卒足以收兩京之禾黍六國之君撫首帖耳不  
惜金玉珠寶皮幣犬馬子玉帛之貴貪謀而賂秦秦怒而諸侯懼秦安而天下息然秦淫其封豕長蛇之  
勢肆其鯨吞蠶食之雄威積百數十年於是墟兩周而併六國廢封建而削諸侯其勢可謂盛矣其威可謂  
雄矣其業可謂大矣其功可謂偉矣今日之俄戰國之秦也俄自彼得得變政跨三洲而為疆宇雄視萬國以  
積威福其地寒苦而不以耕種牧畜製造為雄其俗強悍而日以干戈戰鬪侵侮併吞為事東收勒拿河口  
之地以據其版圖西撫百回諸部之俗以厚其屏障北盡冰山北極之地以廓其勢南逼西伯里亞之沙漠  
以啟其門戶雄視五洲威臨藩國固所稱一世之雄也俄人固守其疆宇經理其田賦開墾其荒蕪繁庶  
其人民則雖合英美德法日奧諸國之兵其誰敢尋釁於俄俄人以天險之勢三洲之雄亦可以無求於天  
下各國互相猜忌日強其兵日勞其民日爭其利權日新其器械臥薪嘗膽厭亂久矣然兵罷而不敢休民  
勞而不敢息蓋畏強俄之無厭勢必背城而借一也乃俄人縱其得隴望蜀之心蓄其贖武窮兵之勢乘中  
國之內患而逞其詭謀如英國之富繁而生其窺伺欲示威於日本而多方挾擊以主中日之盟欲駕禍於  
英美而謙詞厚盟以聯德法之志窺印度之海以收商務之權攬東三省之兵以積漁人之勢兼程而撫  
路將有志於南圖要盟而訂密約勢必因利而乘便彼其志蓋不獨欲闢土地朝英法美法中日臣德法而撫  
諸邦也又不獨分商利競工藝攬鐵路收礦產而保富強也雄甲五洲而不足滿其心稱長羣雄而不足飽  
其願勢必掃除同列然後統於一尊混一車書然後傳諸萬世也此規頊之宏遠王霸之事業而通古今達  
中外者推形勢之所至窮事理之所極而不能掩天下人人耳目者也雖然俄人有無厭之心而天下之國  
之人其肯遂其無厭之求耶俄人於外邦之形勢而啟其遠大之圖而於國中之本原豈能自處於不敗耶  
自彼得得圖治以來日臻強盛人皆知之至於其外強中乾末大本小之情俄人其自知之耶君權獨尊民氣  
久挫威福盈廷怨聲載道俄民惡其害已也故盜賊反側會黨暗結恩之以以為榮威之以以為悔執君聖  
主之事常聞犯上作亂之志時有君民異心上下離德縱無外患內憂孔亟則似安而實危也俄為諸國所  
忌向鮮通商歲入田賦僅數常用一有兵燹糧務支絀內罷轉餉外苦力役商務未盛工藝未精出產不多  
地利不厚國少蓄藏民無蓄積則似富而實貧也俄之疆土雖闊而不毛向多開墾之政不修水利之法不  
講沃野坐為曠土膏腴變為石田則似廣而實狹也俄之兵制法重而寡恩差苦而糧薄紀律嚴勸賞未  
至軍耗有警民無關心則似強而實弱也俄之兵制法重而寡恩差苦而糧薄紀律嚴勸賞未成  
延至今日遂虎大而噬人癩厚而貽毒使放肆無忌沛然莫禦後雖有蘇張之舌不能連橫而拒秦雖有吳  
蜀之盟不能北伐以圖魏決黃河之水不能滿其漏卮平泰山之壤不能填其欲壑若不早圖噬臍何及德  
法之甘於趨附固不足論中國之開門揖盜更不足言日本最爾彈丸雖有和吳之心而苦無伐魏之力獨  
惜英美兩國坐觀成敗不為未雨之謀甘聽堅冰之至自今以往俄勢方雄英美雖欲鼎力爭衡分南北之

困心橫慮齋稿

兩朝作東西之二帝其可得乎今又聞英京惹里智利臘西報錄其駐俄京訪事人歸報之言登於報中言俄有併吞全亞之意不僅屋中國之社也閱報之下更疑其有混一全局之心並不僅有併吞全亞之勢也然此事見於英報中似為英國之君若臣所關心而熟審者獨不知英美乘鈞其思出而執牛耳以解鹿角否也

諭旨恭錄 ○十月十四日奉 硃筆華金壽補授詹事府少詹事欽此 ○十五日奉 上諭四川順德府知府員缺著貢成綬補授欽此 ○同日奉 上諭王毓藻奏參劾庸劣州縣等語前署仁懷廳同知候補同知直隸州張正奎同顧民艱控案迭見前署覺州知州候補同知直隸州唐樹桐遇事牟利不惜聲名歸化廳通判吳昌凌捕務廢弛縱盜殃民均著即行革職定番州知州來震承審州知州沈毓蘭廣順州知州龔家同疲庸不振尚無劣迹均著開缺回籍以肅官方著照所議辦理該部知道欽此

英電譯登 ○本坡實得力太晤士西報接廿六日英京來電云英將吉職那現已啟程赴埃等由蓋因蘇丹善後尚有未盡事宜故特赶往為之清理也  
德電譯登 ○本坡實得力太晤士西報接廿六日英京來電云德皇例發議院之諭內有云德廷現須設法增添陸軍俾甘愿作工之人不致受外間挾制云云德皇此言蓋緣歐洲工會近來日益縱橫故有是請也

法電譯登 ○本坡實得力太晤士西報接廿六日英京來電云法國各報現因德皇發交議院之例諭及美總統所降之例諭均未言及英德美有互推心腹之語以故眾情甚為欣悅云廿七日來電又言巴黎總察院現經發令武備院云該院審訊將官卑葛之案必須展限俾本院得將乃非士之案先行提訊云云按卑葛一名係乃非士案之要証法國察院既翻是案則不得不憑該將之証供惟武備院則恐該將到案將其誣陷情形和盤託出故託別案將其執捕即欲趁乃非士案未訊之前速行定擬以為滅口杜供之計事為該察院所知故有此令也

英法電音 ○本坡實得力太晤士西報接廿六日英京來電云前日英國駐法公使在巴黎英商公所內宣論之語乃警告法國之詞一時法人聞之甚為不悅咸云該使此行實屬有違兩國交好之常規然倫敦太晤士報則論稱該使所以有是言者係觀法國近日所為儼有盡力抗拒謂乃里河一帶并非埃及與英所應管轄之地故英法使有是言也廿七日來電又云英國外部占勿連在於益非地方宣論之時內有言及英法交涉之事現尚未能了局至於中國之事我英國如欲預杜彼此牽連之害則宜與俄廷各以真懷剖白俾得共釋猜疑云云同日來電又言英法駐法使在巴黎英商公所會宴之際并有言及法於埃及所行之事必須更改方為妥當等語一時法國各報紛紛論說力指該使此語之非并有英報數間亦以為該使之失言謂事關兩國之交其持論務宜妥為婉轉方不致貽譏大雅云云按英使此語果未嘗不失之孟浪然想該使因此一案前在法京必曾大受法之挾制今始一伸其忿故有此孟浪之詞也

美班電報 ○本坡實得力太晤士西報接廿七日英京來電云美班兩國在法議和之事現經畢議其條約亦已起草限以六閱月內書押施行并悉此議未定之時班國議和首領人員曾向美使宣讀浮羅底書畧云我班國所以如此低首降心盡如美之所欲者實因勢力不加不能當美國以大暴小以強暴弱之所為故不得不從所議云云此其怨曠之概亦可見矣

多旌返叻 ○閩廉訪前日赴甲開堂決獄一事已登前報茲悉廉訪公冗已畢昨已偕同律政司等乘坐廝馬官輪言旋叻地矣  
死册譯登 ○頃閱册報稱前禮拜內叻地居民死者一百五十四人內計華人九拾五名婦女二十二口又查前月死者六百二十七人華人三百七十二名婦女七十六口

美兵到京 ○上月某日京師紛紛傳說謂又有美國兵丁進城於是前門大街一帶男婦結伴遊行欲看美國兵隊者往來不絕候至午後五點鐘時美國兵丁二十餘名始行進城均駐東交民巷美國使署  
俄失法歡 ○英國士丹達西報接訪事消息云法國竭力欲求俄國力助爭據非洲花梳打今已違願不特此也俄今在東方經營肆志故將埃及之事概不預聞法之怨俄得毋有離心耶

暗礁標誌 ○前者德國砲艦檣沙在三沙灣觸礁一事茲德領事擬俟異日將該礁石圖形繪出刊登西報并將礁之坐落方位及其形像詳細登記俾行海者得以警心云  
創造藥局 ○湖廣總督張香帥自督鄂以來舉凡鐵政槍炮織布紡紗蠶桑湖絲等局廳以及文則兩湖書院武則自強武備各學堂莫不次第興修樂觀厥成求之近日督撫中實覺有一無二乃聞張香帥日前又委幹員至漢陽城西之梅子山丈量基地修造無烟火藥局一所有飭令即日庀材鳩工以期速成之語並聞已將善製無烟火藥之洋工師聘請在鄂而機器亦早由外洋運到祇待藥局落成即可趕日開造矣

觀操東返 ○中國委派往日本觀操官候補道陶森甲以下十三人已自東京前往畿內地方操練後暫游覽京阪間名勝古跡陽歷十一月廿五日由神戶附藍摩輪船過回中國

經文緯武 ○皖撫鄧小赤大中丞蒞任以來頗能勵精圖治近以時事多艱強鄰逼中丞力圖自強先建立求是學堂招生肄業現又於撫署演武廳東西廊屋添造廳屋若干幢以為武備學堂前赴金陵延聘教師十名札飭韓統領於各營提選壯兵一名入堂操演技藝聞係專練飛跳之術每月加給餉銀五錢其一切詳細章程俟開演再行續探也

恐釀巨禍故觀察已即日咨請皖南鎮黃鎮軍設法撥隊前往該縣防堵矣

紛傳亂耗 ○九江官商紛紛傳說廣信府近有土匪蠢動勢甚猖狂莫不羣相驚訝迨至日前九江前營遊擊萬雲衛遊戎接到廣信營李守戎來稟並抄呈九仙山回信一紙閱之始悉情形殊堪詫異據稟九月初旬謠傳上饒縣屬之苦坑地方有土匪作亂探之事屬子虛唯十七都之九仙山十二日有三四十人搬運木料進山聲稱搭棚敬神似覺可疑正擬派兵往查適廣豐縣崇爾昌大令稟報到府並移會上饒縣麥雨澂明府嚴密查拿府尊查蔭階太守當即商請本城悉將吳養善恭戎帶兵一百名親往查辦去後查得九仙山係上饒縣十七都地方離廣豐縣四餘里離府城九十餘里該山懸崖峭壁無路可通唯有一口初極狹窄該匪派人看守無論誰何概不許入內嗣有託言探樵者進口步至二關但見內懸旗幟並聞鼓鑼聲其中人數則不知多寡看守者知為探子極力阻攔不許再入移時即由內傳出土匪信一紙其人乃携而出厥後遂無人得入其口者現在查太守飭令上饒廣豐兩縣認真設法防堵並函請駐紮河口管帶親兵營楊維芬鎮軍督隊前往該山相近之處妥為彈壓惟若輩是否查匪意屬何居目下尚無消息亦無出山搶劫害人情事云所有九仙山回信照錄於下以供眾覽 立為之信請大老爺清身明見順天而行 期滿汪天運戊戌年立呈 此係回覆廣信營信 為信稟明在九仙山內 不信稟明在九仙山內 不孝五洋竄入朝廷不安敬神急救三災百難我者順天而行 期滿汪天運戊戌年立呈 此係回覆廣信營信 不信稟明在九仙山內 人實實敬神救劫並無作帥害人明人自亂請官救治勸老爺不可三思而行求寬日子敬神完滿送神歸壇請大老爺請令回安順天而行 此係回覆該處百姓之信觀此三信不知其立會之如何然託神道以惑人殆亦左道惑眾者歟抑意別有所存耶蓋已解人難察矣

東人遊歷 ○金陵來信云中外通商以來泰西各國西人游歷中國內地者必須先由該國駐京領事官照會譯署聲明遊歷何處請轉咨地方官妥為保護免生意外之虞此律載諸條約所以重交誼而防弊端也茲聞日本現派大學堂學生數名特來中華南北二洋各口岸一帶內地遊覽以擴見聞頃已由譯署咨明南洋大臣劉峴帥據文札飭所屬認真保護勿得稍有疏虞云云中東和誼既已復敦則體 國家懷柔之心自當便有賓至如歸之樂也

川匪未平 ○重慶來函云大足縣余蠻子自劫去法國華牧師後 朝廷深恐余匪戕害此人致開邊釁是以迭傳 諭旨指授機宜總以救出華牧師為上策乃該匪亦以堅執為挾制之計現張統領繼周統領萬順丁統領某共帶八營分駐永川等處連日與余匪議和謂如能釋放西人 朝廷格外施仁免其死罪繼又以匪黨難散許給銀四萬兩即日由輪運去存儲永川聽候交兌凡此極意撫順無非為救出華牧師起見乃余始約九月二十日交出繼又緩至二十六日任逢辛觀察預備兵差親往迎迓乃遲之又久寂無消息聞余匪貪得無厭需索後堂洋槍一千桿砲若干須先收到後方將牧師釋放因是相持未決現聞該匪又在滬州江津永川一帶搜殺教民房屋被毀者六千餘家教民被逐來渝者約二萬數千皆由法主教設法安置匪勢猖獗如此未識哀哀諸公有何策以救平之也

釐訂新章 ○鄂省自強學堂學生滋事各節曾誌報章事後張香濤制軍特委武備學堂提調徐稚生太守秉公查辦將學生中素不安分者開具姓名稟請革除計共斥革二十餘名又以委員左某平日辦理不善致失士心亦即撤差記過現在堂中安靖如常惟聞制軍之意擬將學生章程重加釐定共留學生五十名此外各生如願在堂肄業均須自備火食云

失水遇救 ○廿六日有二枚半桅帆船名海式列者由港壓載來叻據稱去月二十日在港出口甫閱一日見海面有華船一艘帆船俱拆在水漂流就近視之則船中有華人十二名因將其救至船中據云該船中途遇風致遭損壞不能行駛計在海中漂泊已至五十五日之久水米俱絕已有水手二人因饑斃命云云該帆船因將此諸人載至叻中是亦可見航海之險矣

祝融稅駕 ○廿六日麻六甲第四座橋北第四號門牌仙得董峇的理洋行貨棧於二十八早四點半鐘不知緣何失慎忽然濃烟葱鬱旋復火光燭天經該處差館巡差覺識即奔告捕房發電救火局開水龍三架趕到該棧灌救至六點後始熄聞該棧是永萬成號東之業其左右均同一業主該棧火勢熾烈并蔓延第五號門牌棧房後樓幸被燒者僅有屋蓋二三樞尚無大害又聞該棧賈有保險九萬員未審確否當俟查明續報

中糞之言 ○廿七日訪事人查悉正堂伊太守提訊全家與訟一案據閩婦林冰娘供其夫為顏元其翁名顏富其姑為許月娘林氏生有二子自四月間伊夫拋棄妻子並不給資撫養越月之初八日又被翁姑丈夫三人加鞭撻痛楚實甚迫得赴案控告乞求保護等語其夫顏元訴謂林氏現有外遇常生遺脫之心並不安於室大失順從之戒自五月至今常常交謫經在案已有四五次之多而氏竟擾鬧更甚云

後亦有傳訊票控告伊娘林氏月之初八日凌辱翁姑毆打備至兩老年衰力薄竟肆意行兇更恃刁弄巧膽敢誣告上瀆云府尊將兩造實情  
審查確實判罰林氏銀五元另着覓人担保銀五十元限六個月內不再滋事噫中藹之詩何堪卒讀鴉奔之恥深歎無良此大學所以序修身  
為齊家之本歟

府案彙登 ○廿六日暗牌總差率同幹役至戲館街興利飯店搜得白米十一包半爰將店主潮人方興通執獲旋復至紐勿里芝路  
之巷內第二百一十三零十一號門牌屋內執獲潮人陳裕逢一名解於府案先是暗牌總差至興利飯店查獲白米後即詢方興通此米何來據  
稱係與陳裕逢所購并交出陳之收單二紙為據於是總差命方導往陳處再搜獲白米三包故併執之廿七日送至府堂府尊訊畢後命展至  
十一月初一日再訊○第五百七十九號巡差控告閩人許增廿五夜兩打半鐘在小坡爪亞街往來該差見其行踪閃縮意欲行竊遂將許拘  
獲搜出小鋸刀一柄鐵器四件遂將許送案向日提訊一次命候初一日再訊○粵人梁阿光前已去髮改扮西裝寄寓於穆拉油人亞兒亞山  
之家前曾盜去亞兒亞山洋銀二十元另金銀首飾價值約八十元合計值銀一百元當時又竊去亞里銀四元又竊去嗎盞嗎銀十三元  
飽飲之後移居大馬路第一百一十號門牌某客棧中月之廿六日携布衫襖到該馬路恒興典肆易銀被暗查警識拘獲送案呼失主到堂質  
訊該匪業經認罪命展至本日定獄○福清人王新控告吉甯人亞末及穆拉油人答務據稱兩被告於廿六夜在小坡城多利街毆王毆打致  
傷右眼青腫痛刺查王新向以牽手車為業是夜因在該處候客適遇此二人遂為所毆府尊斷將二人監禁十四日並每罰銀十元云

向風例頸 ○瓊人沈阿春僑寓小坡大馬路第五百三十五號門牌統濟堂藥材店以打銀為業月之二十七日下午三點鐘忽持小  
刀一柄自刺其頸該店伴驚見驚恐急鳴捕喊救適有第一百一十五號巡差趕到見沈自行至店前血流如注滿地通紅該巡差即將沈送去  
捕房報案給字是時沈已不能言語遂將沈轉送西醫院不料沈受傷過重未到院時已斃車中矣然沈緣何自戕刻未查得容俟續報

驗屍二則 ○客人王亞成向在荷屬浮羅三峇地方採樵為業因被樹幹壓傷來叻入院調醫不意傷勢過重於廿六夜斃於院內業  
由該院報明請驗廿六日復有巡差在路傍檢獲可屍一具亦經送院請驗矣

京報選錄 ○臣世鐸等跪 奏為欽遵 諭旨會同安速議奏恭摺仰祈 聖鑒事光緒二十四年八月二十六日內閣奉 慈禧端  
佑康頤昭豫莊誠壽恭欽獻崇熙皇太后懿旨湖北廣東雲南三省巡撫現經裁撤地方一切事宜總督能否兼顧究竟巡撫是否可裁著軍機  
大臣會同吏部速議具奏欽此仰見 皇太后 皇上審定職官折衷至當之意欽佩莫名臣等伏查總督巡撫統轄文武鎮撫地方俱屬秉節  
重臣 國初以來屢經裁移歸併至於今日實已斟酌盡善無可置議督撫職守各有不同各省情形亦復大同小異大抵總督重在典兵一切  
海防邊防水陸各軍以及洋務釐務鹽務凡於軍政軍餉有關繫者總督兼之巡撫重在吏治一切丁地關稅刑名錢穀以及考察吏治調劑民  
生凡於地方有關繫者巡撫兼之其間經緯萬端亦復互有出入至於湖北廣東雲南三省督撫同城載在會典誠以江海粵區巖疆重地非督  
撫兼設不足以鎮遏非常今則各通商漢口香港兩處偏近鄂粵省城雲南自一關亦屬綽越孔道較之當日情形尤為緊要臣等竊惟利  
不什不變法害不什不改作裁併巡撫一事利害相權實未可一概而論嚴計遣散撫標兵丁裁去養廉俸銀等項所省無幾向例歸巡撫專辦  
之事嗣後均應責成總督一人即日行公事深恐難於兼顧設遇出省校閱等事省城並無大員坐鎮實無以昭慎重倘因事出缺或別有升調  
勢必以藩司護理總督亦嫌望輕是裁併三省巡撫礙頗多不可不熟思審處且今日之督撫即前代之藩鎮責任固不可不專事權亦不可  
過重即如同治年間雲南回匪突於省城起事巡撫徐之銘畏葸無能暗通消息總督潘鐸慷慨赴義誓以身殉人心賴以去其後督臣劉嶽  
昭撫臣岑毓英始克收盪定之功是同城之督撫但使有一人得力即於大局裨益良多若督撫俱得其人其收效當更宏遠又如官文胡林翼  
於咸豐年間分任湖北督撫其時粵匪張省城屢獲復失該督撫同心協力卒得轉危為安論者謂此二臣如房謀杜斷缺一不可是督撫同  
城不但兩不相妨並可相助為理現在時事日艱實未可輕議裁併所有湖北廣東雲南三省巡撫應否復設之處恭候 聖裁所有臣等欽遵  
諭旨妥速議奏緣由謹恭摺具奏請 旨施行伏乞 皇太后 皇上聖鑒再此摺係軍機大臣主稿會同吏部辦理合併聲明謹 奏奉  
旨欽此

草聖將行 ○朝鮮尹溪石先生遊泗回坡仍舊寓單邊街新巨泰三樓即擬返港叻地諸友勸留十天嗣因別有求書者踵至故又開  
筆十一月十一日准定動身矣特此佈告 光緒廿四年拾月二十八日 謹啓

惠流桑梓 ○荷屬高低埠雷珍蘭黃君清泉園之金門人今之賢領袖也為人慷慨好義有博施濟眾之仁其於我華人之事尤復樂  
於維持即在中原之事亦無不一視同仁前因送捐賑款存活災黎甚多故蒙大吏迭保選補用道職銜已可見君樂善好施之慨近日高低舉  
行 荷王慶典之際有穆拉油人與我華人滋鬧彼族恃其勢盛肆將華人魚肉被虐者幾至負屈難伸幸蒙 君見事不平慨然而出力向荷  
官辨白而諸華之負屈一旦而伸若非 君之善持大局惠我華人曷克臻此僕等受君覆庇欲報無從爰將其略附登報中庶藉以見 君之  
高誼如斯而我等愛慕之忱或亦可以稍摭一二耳 光緒二十四年十月二十九日 張義記等謹頌

光緒二十四年十月二十九日

光緒二十四年十月二十九日

光緒二十四年十月二十九日

光緒二十四年十月二十九日

皇極神數天星地理 ○啟者茲有江西省劉君星台乃伯溫軍師後人同余世誼又兼至好七月由北京來廣東訪友不遇於本月來坡遊覽劉君得家傳天文地理數命早年余在北京蒙算有一紙前後之事皆靈驗如神但劉君數命名皇極經世神數有抄寫數書十四本共數一萬二千條凡天下人賢愚之命皆在此書中非同江湖命理只以口言劉君用勾股法代算此乃本人自己查書凡人命中父母妻妾何年生死兄弟多少功名財帛壽元子息皆照皇極數書中寫下過去未來之事絲毫差不差又家傳風水更妙不可言所用乃天星盤併無一字盤上皆畫天星凡看陰陽二宅即知何年添丁發財發貴一切斷出家中前後之事恰如目見與妙如神但余平生亦好數命地理曾見有數十人如劉君之數命風水實所少有即劉君數書併天星盤真可謂奇書奇盤不愧為伯溫軍師之後人也余向劉君云既到外埠何妨小住月餘亦可留名日後又可少助行囊每日可算三四人必先掛號銀二元先查終身大概本人當面自看數書倘不靈驗分文不受決無虛言況劉君非是鐵板算法專應前而不應後此乃照數而算前後皆靈望南洋諸紳切勿錯過當面一試便知余非學平常登報者只一味鋪張也  
劉君星台現寓馬交街上海裕源號  
駐新嘉坡隨員藍翎五品銜浙江補用知縣世忠弟余文煇謹啟

一掛號洋銀二元即查終身八宮由此算起每日只算四人決不多算 一查流年五年一運每運一元 一查流年一歲五角或從先天已過之事查起或以後天未來之事查起逐年照算無論三年五年各聽其便總以五角照算 一查流年一歲查算兩卦即一歲之中查出兩事則必須一事一元共二元一歲 一查流年每歲推查四卦一年分春夏秋冬而算則一事二元共八元一歲此因工夫太多而每歲之事一目了然 一查流年每歲推查十二月一月查一事此工夫又深一層一歲查十二件事更覺清楚則一月二元共一年廿四元一欲一月推算三十日每日查有何事故每一日十元如 諸公欲觀後天靈驗請查下月三十日未來之事便知此非鐵板數也 自古天文地理合而為一人分之為二僅以地理尋穴所恃者沙水按山來龍耳而人併無入地之眼況點穴差之毫釐失之千里似覺較難余遵 伯溫祖家傳天星地理不過先觀天星後測地理因有星象舉目可觀凡天有一星地即有一穴所謂上天垂象下地成形用勾股測北斗離地多少度即知結穴在何山如南洋北斗第五星名玉衡至地百九十三度半少故四時似夏而尋龍穴必由此星測巒頭結穴似易凡陽宅陰宅皆不外乎星宿之吉凶奈其中頭緒太多筆難盡述面談便知聊附數語實諸 高明星學者可耳  
大清光緒廿四年十月二十六日 伯溫二十三世孫江西劉星台氏甫識

聲明告白 ○啟者敝號陳源成自先父創設小坡梧槽巴風嗣及遷至大坡吊橋頭經營暹羅安南郊頭及本坡生理歷年無異惟因叻中源成字號甚多混淆相雜誠恐 各寶號與敝號交易者或有所誤爰特佈告聲明此後敝號有與 各寶號交易往來以及滙兌等事必須認明敝號圖章兼有愚兄弟名號南松或南俊簽押方足為憑否則有誤與敝號無涉特先聲明免滋後論  
大清光緒廿四年拾月廿五日 源成號謹啟

印據聲明 ○啟者敝號向與街中 各寶號交易以及支取貨物均用方印一顆中刻金福和三字兩傍刊發貨圖章認借不憑等字樣歷來均屬如是并無差近有不法之徒假刻敝號圖章向街中賒取貨物殊屬可惡除報案候緝外另特刊登告白以便市井週知庶不致為騙徒所愚也以後凡有敝號向各寶號支取貨物等事祈為認明敝之印據與舊昔相同方不有誤特此佈告  
光緒廿四年十月廿四日 舊巴風金福和黃熙勳謹啟

收盤告白 ○啟者小坡米芝律二十間門牌第一百八十三號安茂木料生理現已收盤所有與 各寶號往來交易各數項限於一禮拜內列單到安茂號理會倘逾期不來即係自誤異日不得多言特此佈告  
光緒廿四年十月廿三日 何安記謹啟

退股聲明 ○啟者星加坡水仙門大馬路門牌第六百十七號廣勝隆號洋鞋皮料生意自壬辰年始創原係陸成 陳宗結 陸怡勝胡漢 伍學美 陳發 陳照等合股做至光緒二十四年十月十六日清算止截今陸怡勝 陳發 伍學美 陳照等自願將名下所着之股份退與股內人陸成翁承受自退股之後生意盈虧及有與各寶號交易來往滙揭等情請向經手是問與我等退股人無涉特字聲明以免後論  
光緒二十四年十月二十二日 退股人陸怡勝 陳發 伍學美 陳照全啟

橘井流香 ○古云不能為良相當為良醫荷能挾其所長出而治世其功德豈淺鮮哉茲有陳松江先生者潮邑鰲頭人也素擅岐黃之術治兼內外秘授婦孺技南來懸壺于舊巴風永裕興號內但先生初到地方意欲傳名濟世荷貧而無力者願贈醫兩個月余與先生乃同宗之誼且素相友善深知其能爰特修飾數言登錄報端以告諸閱津者倘 諸君有欲延請可按址相尋便得特此佈告  
光緒二十四年十月十五日 永裕興號謹啟

**憲**  
大英欽命新嘉坡輔政使司 為招工製造事照得本國家現有 羔丕茶店牌 飯店牌 客店牌 烟露牌 酒店牌 多里及網號 牌欲招工攬造為此示仰商民人等知悉汝等有欲承攬此項工程者可於西利心末月十五號即華十一月初三日以前入票投交本署以憑選擇所有一切情形可向巡捕官署詢問便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招工除糞事照得本坡各捕房除糞及洗淨廁所之役刻欲招工承辦此役係由西來年正月一號起至年底止以承辦一載為期為此示仰商民人等知悉汝等有欲承攬此項工程者可於西利心末月十五號即華十一月初三日以前入票投交本署以憑選擇所有一切情形可向巡捕官署詢問便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招人承造西靴事照得本國家現欲招人承造帆布靴約一千二百雙此靴係備本坡巡差所用乃承辦一載為期由西明年正月一號起至年底止為此示仰商民人等知悉爾等有欲承充此役者可於西利心末月十五號即華十一月初三日以前入票投交本署以憑選擇至於棄取之權任由國家裁奪不得執價低者得之說至其靴辦及一切情形可向巡捕官署管理銀務人員之處查詢便能知悉各宜踴躍切切特示 大英一千八百九十八年十一月十八號 示

大英欽命新嘉坡輔政使司 為招人承造巡差衣服事照得本坡巡差所用之衫褲欲招商人承造此役係承辦西一千八百九十九年一載為期為此示仰商民人等知悉汝等有欲承充此役者可於西利心末月十五號即華十一月初三日以前入票投交本署以憑選擇至於棄取之權任由國家裁奪不得執價低者得之說至其布辦及一切情形可向巡捕官署查詢便能知悉各宜踴躍切切特示 大英一千八百九十八年十一月十八號 示

**示**  
貨棧出稅 ○啟者本行在丹戎隅有磚牆瓦蓋之貨棧二間欲賃與人該兩棧共廣闊有一萬五千英尺其棧係近港傍用以貯鹽及鹹魚并他項貨物均甚合宜 諸君有欲租賃者請至本行面商可也 光緒廿四年十月廿三日 禮釐度吃里付鐵廠謹啟

輪船往毛里嶼 ○啟者茲本行有輪船一艘名曰孟買大有二千零四十九墩定於日開啟行前往毛里嶼埠 諸君有欲搭船附貨者祈至本行面商便得特此佈告 大英一千八百九十八年拾二月二號 冠兀里亞洋行謹啟

### 葛士兄弟有限公司沽賣平貨

啟者茲定於西十二月五號即華十月二十二日起定期一禮拜之久將本公司所存貨底從廉發售此皆頂上貨物惟減價之日無多 諸君有欲採買者祈速移 玉前來勿致有悞特此佈聞 大英一千八百九十八年十一月二十九號 葛士兄弟有限公司謹啟

工部局告白 ○啟者茲新嘉坡工部局欲用以下所列各物茲特招人入票承辦此役係一載為期由西一千八百九十九年然哇里月一號起算茲將各物開列如左

- 一木料
- 二加定圓柴及民打俄圓柴
- 三蘇柴枝
- 幼面磚及屋瓦
- 三漆料
- 四祖家灰
- 五石灰
- 六牛隻及駛牛車之人此係欲為掃淨街道及清除撥搽之用
- 七牛隻及駛牛車之人此係欲作運配物件之用
- 八鋼鐵及機器房內所用之物
- 九雜物
- 十掃帚
- 十一碎石
- 十二機器匠鑄銅匠及裝飾幼工
- 十三號衣
- 甲物料及黃白斜紋布
- 乙物料及縫造鐵網黃白斜紋布衣服惟不在其內
- 丙縫造及鑲網烏呢
- 黃白斜紋衣服及帽
- 至其入票格式及其一切詳細情形除禮拜外可於每日工作之時到本工部局詢問取領便得然每次到局詢問及取討格式紙者須備費銀半元至入票之時每票須付壓票銀一百元迨至各票核定之後即將該壓票之項發回但所入之票須於票外聲明承充某項工程字樣於西一千八百九十八年利心末月拾三號正午以前送至本局寫字樓交司理人收接以憑核奪至於棄取之權任由本局裁奪不得以價之高低論也特此佈聞

大英一千八百九十八年拾一月三拾號 新嘉坡工部局副司理人棉惹丕奉命謹啟

**憲**  
招人除糞示 ○大英欽命新嘉坡輔政使司 為招工除糞事照得本國家欲招人承充本坡獄內除糞之役此役係承充一載為期由西一千八百九十九年然花里月一號起至西年底止為此示仰商民人等知悉爾等有欲承充此役者可於西一千八百九十八年利心末月十五號即華十一月初三日以前入票投交本署以憑選擇其載糞之車係由國家給與應用但入票之人務須聲明其糞欲置於何處然須運至工部局界外方可若能准其承辦則須保項二百五十元至於棄取之權任由國家主裁各宜踴躍慎無觀望特諭 大英一千八百九十八年十一月二十一號 示

**示**

荷蘭國駐叻總領事官告示  
○大荷蘭國駐叻總領事府爾城 為再投寥內豬賭餉碼事照得本國家欲將寥內之賭碼及豬碼再行招人入票承充此碼係承辦西一千八百九十九年一載為期為此示仰商民人等知悉汝等欲承充此役者可於西利心末月十二號以前入票以憑選擇可也特示  
西一千八百九十八年十二月一號 示

西商公暨告白  
○啟者本公暨現在僱請待役首領一名其人須能通英語者方能合用如果其人穩練誠實且辦事勤能者自不吝踰格相酬倘有欲就斯役者其即携其薦紙前來面商可也特此佈告  
西一千八百九十八年十一月廿三 新嘉坡西商公暨謹啓

招承車運示  
○大英欽命新嘉坡輔政使司 為招承工役事照得本國家現欲再行招人入票承供西來年內即一千八百九十九年車運之役其票定於西一千八百九十八年利心末月十九號以前投交本署以憑選擇至其票外須書明承充此項工程字樣方為合式特此諭知各宜踴躍特示  
大英一千八百九十八年十二月八號 一 二 示

憲示  
○大英欽命新嘉坡輔政使司 為通知事照得外間諸商有向本國家收取賬項者務宜於西本年利心末月十五號以前列單前來其在利心末月十五號以後之單則於西臘底三四日以前送交本署以憑察核特此諭知  
西一千八百九十八年十一月廿三號 一 二 示

工部局告白  
○啟者茲本局所估一千八百九十九年本坡工部局界內各屋全年屋稅以便抽取門租者其冊現列出存於勞民申路本局寫字樓內以便償稅之人到閱除禮拜外每日均可到本局寫字樓內觀看而本局員當於一千八百九十八年利心末月廿一號即華十一月初九日禮拜三下午三點鐘在本局寫字樓內會集以便聽斷償稅之人前來告訴所估之價或有不公之處倘逾此期即將其冊止結又凡欲訴所估門稅有不合之處者務當具字於所定聚會之日十四日以前通知或至是日前來當堂訴辨以便將冊再行更正均無不可特此佈告  
大英一千八百九十八年十一月十七號 工部局副司理人棉惹丕承命謹啟

精製眼鏡  
眼科之理甚微筆難述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精於有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微凡購用者必先由余驗其眼光如何然後配以合式之鏡自能保護瞳神到老不眠前在英京及加刺吉打等處售賣卓著聲名今到叻中寓迷得律第三號門牌 諸君賜顧尚祈按址訪尋不勝幸甚蓋余不過暫駐數天行將他適也  
大清光緒廿四年九月廿七日



時雨軒藥酒發售  
蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂其方復選地道藥材購醇醪而醞釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一在本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售  
大清光緒廿四年六月廿九日 時雨軒主人謹啓

豐源號  
本號輪船往來各埠船期開列如左 在各埠往實叻日期  
由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
各輪船在叻往麻六甲吉隆坡實蘭午 等禮拜五日三點鐘開行特此佈

西歷一千八百九十八年十一月十號 刺沙勝士謹啟  
在實叻往麻六甲每逢禮拜一五日下午四點鐘開行  
由芙蓉往吉隆坡每逢禮拜二六日下午六點鐘開行  
由吉隆坡回芙蓉每逢禮拜二四日下午四點鐘開行  
由麻六甲回實叻每逢禮拜二五日下午四點鐘開行  
豐源號謹啓

賣出酒密 賣發酒蜜烏


售發廚鐵名馳



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鑄製成並無雜以木料且諸廚自前至今均為一式堅固耐用

有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟



諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



售出品三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡級明嗎也 司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

